

UGOVOR O PRUŽANJU USLUGA PRISTUPA INTERNET MREŽI

Zaključen između:

1. Ustavnog suda Bosne i Hercegovine ul. Reisa Džemaludina Čauševića broj 6/III Sarajevo, koga zastupa Nataša Vuković, generalni sekretar Ustavnog suda Bosne i Hercegovine (u daljem tekstu: Ustavni sud)
2. BH Telecom d.d. Sarajevo, Zmaja od Bosne broj 88, koga zastupa direktor Direkcije Sarajevo mr. Kemal Avdagić, dipl.ing.el. (u daljem tekstu: BH Telecom)

Član 1.

Predmet ovog ugovora je nabavka/pružanje usluga pristupa Internetu putem resursa BH Telecoma.

Član 2.

BH Telecom se obavezuje da Ustavnom sudu omogući sljedeće usluge:

- Stalan pristup internet mreži 15/15 Mbps
- Garantovanu brzinu prenosa uz neograničen internet promet
- 2 statičke IP adrese
- Tehničku podršku 24 sata dnevno svih sedam dana u sedmici, uz vrijeme odziva do 30 minuta od trenutka prijave smetnje.

Član 3.

BH Telecom se obavezuje da će poduzimati sve neophodne aktivnosti da Ustavnom sudu omogući primjeren kvalitet i neometano korištenje usluga Internet mreže putem resursa BH Telecoma.

Član 4.

BH Telecom se obavezuje da će čuvati povjerljive podatke Ustavnog suda, onemogućujući pristup povjerljivim podacima trećim licima.

Član 5.

BH Telecom neće biti odgovorna za neizvršenje svojih obaveza ukoliko je to neizvršenje prouzrokovano višom silom. Pod višom silom podrazumijevaju se događaji izvan kontrole BH Telecoma koji se nisu mogli predvidjeti, spriječiti ili izbjeći. Pod višom silom se ne podrazumijevaju propusti BH Telecoma u pružanju usluga. BH Telecom se obavezuje da o ovim slučajevima obavijesti Ustavni sud na najbrži i najefikasniji način. BH Telecom se obavezuje da, po prestanku djelovanja više sile, u najkraćem mogućem vremenskom roku nastavi ispunjavati svoje obaveze.

Član 6.

Ustavni sud se obavezuje da koristi usluge Internet mreže putem resursa BH Telecoma u skladu sa odredbama ovog ugovora.

Ustavni sud se obavezuje da neće omogućiti, prenijeti ili bilo u kojem smislu prenositi pravo koje obuhvata ovaj Ugovor na treća lica.

Član 7.

Obaveza Ustavnog suda je da mjesečno na osnovu računa za korištenje usluga interneta uplati iznos od 390,00 KM odnosno za period od godinu dana ukupni iznos od 4.680,00 KM (390,00 KM x 12 mjeseci = 4.680,00 KM). U cijenu nije uračunat PDV.

Ustavni sud se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana od dana prijema računa, račun proslijediti na plaćanje Ministarstvu finansija i trezora BiH. BH Telecom je saglasan da Ustavnom sudu neće zaračunavati kamate za zakašnjenje prilikom plaćanja preko Trezora, ako je Ustavni sud u ugovorenom roku predao nalog za plaćanje Trezoru BiH.

BH Telecom se obavezuje na nepromjenjivost cijena tokom cijelog ugovornog razdoblja.

Član 8.

Ugovor se zaključuje na period od jedne (1) godine, uz mogućnost raskida pismenim putem, s tim da otkazni rok ne može biti kraći od 30 dana.

Član 9.

Ugovor stupa na snagu danom potpisivanja od obje ugovorne strane.

Član 10.

Sporove proistekle u realizaciji ovog ugovora, ugovorne strane će riješavati sporazumno, u duhu dobrih poslovnih odnosa. U protivnom za rješavanje sporova nadležan je Sud Bosne i Hercegovine u Sarajevu.

Član 11.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka

BH Telecom d.d. Sarajevo



Direktor Direkcije Sarajevo
mr. Kemal Avdagić dipl.ing.el.

Broj: 508-19-1366/18

Sarajevo, 22-06-2018

Ustavni sud Bosne i Hercegovine



Generalni sekretar Ustavnog suda BiH
Nataša Vuković

Broj: SU-08-548-3/18

Sarajevo, 12.6.2018.